

東遊記

乾

内閣文庫	
番號	漢 17876
冊數	2 (1)
函號	附 3 12

書
附三
一七八七六號
全二號

3-12







金像東遊記

書林余文台梓

上洞八仙傳

八仙傳引

不佞斗自刊華光等傳皆出于心
胸之編集其勞鞅掌矣其費弘鉅
矣乃多為射利者刊甚諸傳照本
堂樣式踐人轍跡而逐人塵後也
今本坊亦有自立者固多而亦有

逐利之無恥與異方之浪棍遷徙
之逃奴專欲翻人已成之刻者襲
人唾餘得無垂首而汗顏無恥之
甚乎故說
三台山人仰止余象斗言



引畢

卷

鐵拐脩真求道
二仙華山傳道
馮徒守尸悞化
仙丹起死回生
秦王請禱玄女
鍾離將兵伐寇
鍾離大破番陣
鍾離敗迤山谷
飛劍山嶠斬虎

老君道教源流
鐵拐獨步遇師
鐵拐托魂餓孽
戲放青牛亂宮
鐵拐屢試長房
鍾離不韋交兵
番兵劫敗漢營
東華傳鍾離道
點金濟衆神仙

山傳

目錄

二

采和持柏踏歌
果老飲董辨鹿
云房十試洞賓
洞賓斬龍畫鶴
仙呂戲弄洞賓

張果騎驢應召
洞賓店遇云房
鍾呂鶴嶺傳道
洞賓戲白牡丹
三至岳陽飛渡

下卷

湘子造酒開花
洞賓私遣椿精
洞賓大排天陣
鉄拐大怒洞賓

鍾呂下棋鬪氣
蕭后呂客談兵
宗寶論陣泄機
鍾離醫疾調兵

大破鍾離青龍陣
鍾離破玉皇陣
鍾呂對陣歸山
國舅學道登仙
八仙蟠桃大會
洞賓二敗太子
龍王奔投南海
八仙推山築海
八仙天兵大戰
諸仙近時出現

鍾離破白虎陣
大破鍾離太陽陣
湘子設筵和好
八仙求文老子
八仙東遊過海
八仙火燒東洋
龍王水灌八仙
龍王表奏天庭
觀音和好朝天
洞賓現近降仙機

錄畢

八仙傳 目錄
一 仙者述
二 仙者述
三 仙者述
四 仙者述
五 仙者述
六 仙者述
七 仙者述
八 仙者述

八仙傳 目錄
一 仙者述
二 仙者述
三 仙者述
四 仙者述
五 仙者述
六 仙者述
七 仙者述
八 仙者述



幽谷

仙境

新刊八仙出處東遊記卷之一

蘭江 吳元泰 著
社友 凌雲龍 校

點降唇

流水行雲氣清奇將誰依附烟霞石戶
與幽人付大吹天空鶴唳乘風去難憑
據八仙何處演卷泛君顧

鐵拐脩真求道

話說八仙者鐵拐鍾離洞賓果老藍采和何
仙姑韓湘子曹國舅而鐵拐先生其首也鐵

李玄深



谷修真

拐姓李名玄鐵拐乃其後假身別號也先生質非凡骨學有根源狀貌魁梧抱五行之秀氣心神宣朗識天地之玄機年方弱冠不務家人生理即慕大道金丹以為天地皆虛人生皆幻世情嗜慾悉伐性之斧斤富貴功名皆迷心之鴆毒縱貴為天子富有四海亦身外之浮雲且無而始有也而必無又一定之常理人生自有樂境何必維繫塵情羈延歲月反觀在乎自盡何不覺察大夢放浪形骸於是立志修真頓別親友尋清幽之谷依深

李玄往華



山求道

穴之巖壘石為門括秀為席澄心淨慮聚氣煉形寢食廢忘數載不輟又思自用師心終非實際管窺蠡測終乏大觀一旦思有老君者吾宗姓之仙祖有宛丘者乃至道之名流行踪並在華山正吾像刑模範何不傾心師事詢覓真丹以畢吾願於是束裝長往披星戴月宿水餐風在路玩景適情有詩言志
誰把紅爐大冶調 陶將皮袋東英豪
男兒識得機關巧 透出風塵便是高
吟罷勇往前行在路非止一日看行到華

李玄投



宿野店

山那山果然奇妙迢堯百里嵐翠參天突兀
 千尋雲烟掠地震驚鳥同飛騷客寄豪吟之興
 岩泉一碧幽人懷長往之思當日有詩為証
 散瀑消_上淨 凝煙藹_上飛
 白雲回合處 應是至人樓
 吟罷家爨晚烟山脚新月先生自思暮夜叩
 門不敬莫大乃留宿山下未知來日進見老
 君宛丘何如
 老君道教源流
 却說老君者太上老君也自混沌開闢累世

玉女生老子



於李樹下

化身而未有誕生之迹迨商陽甲時分神化
 氣始寄胎玄妙玉女八十一歲暨武丁庚辰
 二月十五日卯時降誕於楚之苦縣潁鄉曲
 仁里從母左腋而生於李樹下指樹曰此吾
 姓也生時白首面黃白色額有參牛達理日
 月角懸長耳矩目鼻純骨雙柱耳有三漏門
 美鬚廣頰踈齒方口足蹈五文手把十文姓
 李名耳字伯陽號曰老子又號曰老聃周文
 王為西伯召為守藏史武王時遷為柱下史
 成王時仍為柱下史乃遊西極大秦竺乾等

尹喜仰



觀天象

國康王時還歸於周後復欲開化西域乃以周王二十三年駕青牛車過函谷關度關令尹喜知之求得其道尹喜字公文天水人初母嘗書寢夢天下絳霄流繞其身及喜生時家陸地自生蓮花漏滿及長眼有日精姿形長雅垂臂下膝堂有天神之貌少好學善天文周康王時為大夫仰觀乾象見東方有紫氣西邁知有聖人當度關而西乃求為函谷關令預敕關吏孫景曰若有形容殊俗車服異常者勿听過喜嘗候物色而迹之昭王

老子乘牛



出函谷關

二十二年七月十二甲子老君果乘白輿駕青牛徐甲為御欲度關吏入白喜曰今我得見聖人矣即具朝服出迎跪伏叩頭邀之曰願暫留神駕老君謝曰吾貧賤老拙君住關東田在關西今暫往取薪何故見留幸聽度喜復稽首曰大聖豈是取薪又知大聖當來西遊暴露有日願少憐神駕老君曰聞開道竺乾有古先生善入無為永存綿長是以身就道經歷關子何過留耶喜又曰今觀大聖神姿超絕乃天上之至尊邊夷何足往

尹喜懇留



老子傳道

觀頤不托言少垂哀愍老君曰子何所見而知喜曰去冬十月天理星西行過昂自今月朔融風三至東方真氣狀如龍蛇而西變此大聖人之徵故知必有聖人度關老君怡然笑曰善哉子之知吾亦已知子矣子有神通之見當得度世也喜再拜曰敢問大聖姓字可得聞乎老君曰吾姓字渺上從劫至劫非可及說今姓李字伯陽喜於是就官舍設座供養行弟子禮老君乃為喜留關下百餘日盡傳以內外脩煉之法時老君之御者徐甲

老君化



試徐甲

少債於老君約日顧百錢至關時當得七百三十萬錢甲見老君去官遠適亟來索錢老君謂曰吾往西海諸國還當以黃金什值償爾甲如約乃至關飯青牛於野老君欲試之乃以吉祥草化為一美女行至牧牛之所能以言戲甲甲惑之欲留遂負前約乃詣關令訟老君索備錢老君謂甲曰汝隨我二百餘年汝久應死吾以太玄生符與汝所以得生至今日汝何不念此而乃訟吾言訖符自甲口中飛出丹篆如新甲即成一聚白骨喜

喜求老



君傳道

老君駕



雲昇天

乃為甲叩頭請赦其罪以賜更生老君復以太玄生符授之甲即立生喜乃以錢償甲而禮遣之一日老君謂喜曰吾重告爾古先生者即吾之身嘗化乎竺乾今將返神还乎無名吾今逝矣喜叩首請侍行老君曰吾遊乎天地之表嬉乎玄冥之間四維八極上下無邊子欲隨吾鳥可得焉喜曰入火赴渊下地上天灰身沒命願隨大仙老君曰汝雖骨相合道法當成真然受道日淺未能通神安得变化隨吾聖身汝當精脩此道體入自然斯

可與汝行化諸國爾於是復以道德五十言授之期曰十日之外可尋吾於蜀青羊之肆也言訖聳身空中坐雲華之上面放五明身見金光洞然十方冉冉昇空光燭館舍五色玄黃良久乃沒喜自斷雲霄涕泣攀恋其日江河汎漲山川震動有五色光貫天太微徧及四方喜遂行老君所說理國脩身之要去奢滅欲之言叙而編之為三十六章名曰西昇經喜乃屏絕人事三年之內脩煉俱畢凡所授書悉臻其妙乃自著書九篇號閔尹子

尹喜至蜀



尋青羊肆

尹喜偶



遇老君

至二十五年西蜀尋青羊之肆老君以甲寅年昇天至乙卯歲復從太微宮分身降生蜀國大官李氏之家已先敕青龍化生為羊色如青金常在所生嬰兒之側愛玩無數忽一日失羊童子尋覓得於市肆喜至徧問居人無青羊肆者忽見童子牽羊因自解曰既有青羊復在市肆聖師所約其在此耶因問此誰家羊牽故何往童子答曰我家夫人生一兒愛玩此羊失來兩日兒啼不止今却尋得欲還家喜即囑曰願為告夫人之子云尹喜

至矣童子如其言入告兒兒即振衣而起曰今喜前來喜既入其家庭宇忽然高大湧出蓮花之座兒化教丈白金之身光明如日項有圓光建七曜之冠衣晨精之服披九色離羅之帔坐於蓮花之止幸家見之俱驚怪兒曰吾老君也太微是宅真一為身太和降精曜魄為人主客相因何乃怪也喜欣慰無量稽首言曰不意今日復奉天顏老君曰吾向留子者以子沿世未久深染恩愛初受經訣未克成功是以待子於此今子保形煉氣已

老君命



召諸仙

造真妙心結紫絡面有神光金名表於玄圃
王扎繫於紫房氣參太微解形合真矣即命
召三界眾真諸天帝君十方神王洎諸仙眾
頃刻浮空而至各執香花稽首聽命老君勅
五老上帝四極監真授喜玉冊金文號文始
先生位為無上真人居二十四天王之上統
領八萬仙士飛騰虛空參侍龍駕其家長幼
二百餘口即時拔宅昇天至敬王十七年孔
子問道於老聃老子曰良賈深藏若虛盛德
容顏若愚孔子退而嘆曰鳥吾知其能飛魚

文帝遣



使詔問

吾知其能遊龍在風雲之中吾不知其上下
老子其龍乎烈王三年過秦秦獻公問以歷
數遂出散關赧王九年復出散關飛昇崑崙
秦時降峽河之濱號河上公授道安期生漢
文帝時號廣成子文帝好老子之旨遣使詔
問之公曰道尊德貴非可遙問帝即命駕詣
之帝曰普天之下莫非王土率土之濱莫非
王臣域中有四大王居一也子雖有道猶朕
民也不能屈何乃高乎朕能使貧賤富貴須
臾公乃拊掌坐躍冉冉在虛空中如雲之昇

老君降



生凡世

去地百餘丈而止於玄虛良久俛而答曰今上不在天中不類入下不居地何民之有陛下焉能令富貴貧賤乎帝乃悟知是神人下輦稽首謝禮授帝道德二經成帝時降曲陽泉授于吉太平真經章帝時授于吉一百八十大戒安帝時降授劉圖罪福新科順帝時降授天師三洞經錄桓帝時降天台授禹孝先上清靈寶大洞諸經魏明帝時降嵩山授天師寇謙之新科符籙唐高祖時降羊角山語于善行唐公授命符玄宗天寶初降丹鳳

羊角山告



善行遇仙

門帝親享之以慶宮隨又降語田同秀以函谷所藏金匱靈符又降語王元翼妙真符宋政和二年降華陽洞天授梁先生加句天童護命經蓋無世不出先塵劫而行化後無極而常存隱顯莫測变化無窮普度天人不可具述史云老子西昇之時五色光貫紫微昭王令太史占之云當有聖人西去千年之外聲教返北此西化之兆也自昭王甲寅至漢永平果千年焉續博物志云唐高祖武德三年晉州人吉善行於羊角山見白衣父老呼

老君宛立



華山傳道

善行曰為我語唐天子吾為老君即其祖也
高祖因立廟高宗追尊玄元皇帝明皇為註
道德真經宛立先生者服制命丸得道至殷
湯之末世已千餘歲以方傳弟姜若春服之
三百年視之如五十歲童子彭祖師之受其
方二首此老君宛立之出處開引道教之源
流也

二仙華山傳道

一日老君與宛立華山論道忽清風一陣
吹入堂中老君謂宛立曰君知此風乎宛立

鐵拐華



山求道

曰似有異人來此老君曰吾觀仙錄李鐵拐
將次成道今日之來乃鐵拐問道也即命二
童候之半山二童甫至忽見一人仙冠羽服
飄飄前來二童趨近門曰君得非李先生乎
李曰是也君何以知我二童曰吾奉老君命
迎君於此先生暗喜曰老君知我量必於道
有緣也乃向前加禮稱謝遂同二童登老君
之堂但見老君在座輝光照曜錦星慶雲肌
膚綽約若閨中之處子精神充滿猶襁褓之
嬰兒次觀宛立童顏鶴髮碧眼脩眉翩翩有

老君傳道



與李鐵拐

道風裁融融保真氣象真天上神人非人間
凡骨也先生趨拜二仙答禮舍坐先生再拜
曰弟子山野鄙人林泉末品大道欲求上達
精微未探一班追覓仙踪仰祈覺悟幸蒙不
棄得睹仙顏誠夙世有緣三生大幸倘憫第
子齋宿之誠開遵化裁指迷入覺則佩德殊
深感恩弥淺方將拜跪不勝水慄之至敢望
坐乎老子曰居吾語汝至道之精兮冥冥
至道之極昏昏默默無道無聽抱神以靜形
將自正必靜必清毋勞爾形毋搖爾精毋俾

鐵拐辭



別老君

爾思慮營營乃可長生先生聞論心花頓開
塵情冰釋再拜稽首曰大仙之道天地之道
也轉拜宛丘丘白汝名在仙籍執此操脩不
日可到何必多求因舍二童送行先生再拜
辭別二童送至迎所相別而歸
第四回鐵拐獨步遇師
却說先生自華山別歸復居岩穴深味老子
之言孰思宛丘之語進道益堅用力益功能
出陰神四方清逸幽人聞風興起相與往來
多求為之徒者一日先生與其徒論道忽有

鐵拐見鷹



祥光逸其戶牖先生觀之良久乃曰此氣非常必應異人降臨吾室乃獨自出齋散步高山絕頂見一鷹振羽高崗喟然嘆曰語云縉蠻黃鳥止於立隅言於止知其所止也此鷹獨立於此何其知止何其清閒弓矢之徒空嗟望耳繒網之巧安能施乎迺何世人營逐爭蝸角之塵名溺蠅頭之微利自驅陷阱至死方悔豈不出此鷹之下乎吾益有以自傲矣因口占一絕云

玉成不凡才

金睛半倦開

鐵拐步崗



偶遇二師

振衣千仞崗 何致惹塵埃
吟畢正見祥雲縹緲清氣悠洋見二人跨鶴而來向前視之乃老君宛丘也先生急忙迎拜老子咲謂李曰觀子今日之遊固知足以發吾昔日之旨矣乃與李同至茅齋先生再拜請教老子曰為道日損損之又損以至無為遊心於淡合氣於漠與物自然無私焉因與李約曰吾欲遊西域諸國欲偕汝同行可於十日後神馳吾側毋相違也言訖即同宛丘駕鶴望空而去先生目送嘖嘖稱羨仍歸

囑徒守尸



遊魂而去

茅齋不覺光陰易過十日已週乃呼其徒楊子囑曰吾將出神赴老君之約於華山晉魄在此儻遊魂七日而不返汝方可將吾魄化之若七日未滿當好為吾守此魄勿使傾壞以違吾言也囑畢靜坐遊神而去

第五回囑徒守尸悞化

却說其徒受命守尸轉加衛護日夜不敢少寐及其六日忽其家人馳至促之曰母病十分沉重死而復醒專待一見可急馳歸楊子大淚言曰母病危急師魂未還如我夫尸誰


家人促楊



子送母終

與守家人曰人死固無復生之理况死已六日其中肺肝必腐尤望其生是守膠柱之信也不亦愚乎况師以義合親以天合孝與友固不能兩全而親與師又豈容並大雖成我之恩與生我者並其中不無常變之分縱終事之道與趨事者同其內不無緩急之異吾以為師六日守死雖不終期失信之罪猶可逭也儻親一旦告終送死不及終天之恨其誰逭之不若便化其尸速歸事母庶可兩全不則非吾所能及矣楊子聞言一心猶豫但

楊子燃新



化師尸首

事勢窮迫不可得兼只得聽之乃具油積薪置尸其上仍例祭品具挽章涕泣再拜祭之挽章曰

母病不可起

師魂猶未歸

師言將欲踐

母舍安忍遠

舍魚取熊掌

二者難兼之

涕泣辭靈魄

華山好自依

祭畢燃火取豈顯撤其中火烈薪多尸骨湏更化盡乃望空大動一場而歸其母已死

第六回鐵拐托魂餓孝

鐵拐辭師



回齋尋魄

却說先生神出華山隨老君西遊竺乾諸國歷蓬萊方丈遍遊三十六洞天追隨數日之間多得老君之道乃欲辭歸老君笑而不答為之偈而遣之 偈曰

辟穀不辟爰

車輕路亦熟

欲得舊形骸

正逢新面目

先生辭歸之期正當七日却來茅齋尋魄毛髮無存徒亦不見轉見積薪之處煖氣騰騰幽煙寂上始知身尸被化深怨弟子背盟遊魂到處無依日夜憑空號叫適值餓孝之尸

覓魄不見



托餓孀起

倒於山側猛想老君臨別之偈曰欲得舊形骸正逢新面目然此餓孀之尸即吾面目也數固如此何必尤人魂正無依何暇擇體乃歛魂附餓孀之尸而起餓孀者蓬其首垢其面端其腹跛其足倚紫色拐杖而行世傳先生之形跛惡者蓋其附托餓孀之體非其本原舊質也先生既托尸而起能辟穀變化將手中竹杖以水噀之成鐵往來人間多不知其姓名惟以鐵拐先生呼之

第七回仙丹起死回生

楊子哀母



慟哭不止

却說先生知其徒之母已死乃自謂曰彼守我之尸而不終者迫於母也彼之母死而不克送者累於我也我不為彼起死回生彼將終身抱恨矣於是手提鐵拐肩背葫蘆逕至楊家只見楊子哀號哽咽足挺胸撫棺欲長拔劍自刎鐵拐進前故問曰汝生有命不可強求人子事親生盡孝死盡思棺槨衣衾卜之宅兆哀戚送之足矣何必以死繼之楊子訢曰我因吾師神出華山令吾守魄約以遊魂七日不返方可化之及守六日適吾母以

鐵拐將丹



救徒母生

疾聞勢不能待竟化師魄而歸及歸而吾母已死是內不能盡孝於母外不能盡信於師母必以我之慢命為不孝師必以我之失信為不忠不孝不忠眾口恥於當時君子羞於後世天地罪人世間廢物速死无脫何敢生焉言訖復欲自刎先生持之曰忠孝在於立心君心如此則君所謂不忠不孝者實大孝大忠也吾久出遊得異人傳授起死靈丹必待善人方可援救今子其人也試與尔母飲之或能回生未可知也楊子聞言急忙拜跪

揚子望空



拜謝師父

求藥先生於葫蘆中取出一丸與之水調灌母口中須臾氣續臉紅長嘆一聲而起如素無病者舉家稱異拜謝先生求其姓名先生曰吾即汝師也因汝化我尸我附他形而起又知汝母已死恐必稱怨於吾故來相弔耳今聞汝言君子之用心不是過也汝母今已無恙可就終養復以一丸遺揚子曰服此可以延年且尚有會日也揚子再欲求問先生忽化清風而去揚子望空拜謝服其丸後事毋終老脩養鐵拐舊處二百年後鐵拐引之

鐵拐同仙



同昇

第八回戲放青牛亂宮

却說鐵拐自救其徒之母復歸老君之所老君曰今番汝却了悟也乃設宴相與極歡而罷一日老君出鐵拐與諸仙童戲曰青牛在此與汝各跨一會遊樂何如仙童曰可鐵拐向前解其繩鎖欲從跨之那青牛見其形貌跛惡吃了一驚脫其韁勒如天崩地裂逃出雲霄鐵拐同仙童追趕半日不能得及兩下正相埋怨爭論適老君歸問曰何故爭嚷一

童追青牛

青牛竟



投西域

童告曰鐵拐與二童欲騎青牛牛見鐵拐驕恐逃韁而去四方尋覓不得是以爭論老君呼衆責曰此牛前番逃下凡間惹出許多禍遣人力追方得吾故鎖之今汝等閑戲放逸又不知如何作禍人間罪過非小也因杖其二童謫降鐵拐下凡百日施功績過方許復歸一面使人尋覓青牛去了却說那牛得脫韁鎖如龍歸海似虎還山跳躍千般奔騰萬狀竟投西域而去忽聞鼓鑼喧天笙歌亂擁回頭一顧乃大秦國王夜無煌煌燈火輝太

青牛淫亂



后宮無教

極之祥光煨煨香煙接九天之雲霧品物極水陸之陳窈窕盡燕趙之美翩翩舞袖几席春生婉轉歌喉雕梁韻遠果王家之極樂人世之大歡青牛見此雄心頓生乃自言曰此處快樂如此我不如此居住欲往何之於是顯其神通竟入宮掖先將國王攝出置於二十里外虬松岩下忽宮中烏沸王后傳旨不見國王俄而王從空中飛下狀貌皆似淫亂后宮無能辨者惟王后察其舉動言談非王體態次早傳旨宮中有怪群臣皆至觀望牛

群臣迎接



聖駕回歸

精慨然冠服臨朝群臣亦莫之辨惟后力言其非群臣正無可奈何值欽天監奏稱妖星犯主星至急群臣始疑然亦未敢言在者為怪因出榜尋覓真主俄而有樵夫報稱二十里外虬松岩下有一人王冠王服號叫群臣援救群臣聞言悉奔迎駕牛精在宮大怒竟囚后於冷宮諸嬪見其威勇任其淫辱莫敢言其非者且說群臣救駕見王立在岩上高峭不能得下乃找架及岩使大力者以繩繫筐盛王筐中漸放而下群臣拜伏謝罪請問

青牛放火



燒羽林軍

其故王言昨夜二更有牛頭一人越入宮中負至於此群臣奏曰其人今假陛下容貌見在宮中王后指斥其怪且被囚入冷宮矣王曰似此可差羽林軍遶宮擒出斬首旨下羽林軍士火炮震天旌旗耀日望后宮進發國王群臣督其陣後方及宮門忽宮中大喝一聲那妖放出一把火未燒得羽林軍士七東八西自相踐踏死者不計其數群臣急保國王退入太廟王曰吾觀此妖法術無邊不可以人力敵也衆卿有何奇見破妖速奏朕知

國王親禱



玄女神廟

言猶未了一臣出班奏曰離此十里有一玄女神廟其神最靈四境之內凡有災殃禱之必應况陛下社稷之主宮掖根本之區怪物放縱如此神女豈容之哉願陛下齋戒潔誠致禱玄女神娘必能顯跡驅除也
第九回秦王請禱玄女
却說國王聞奏竟如其言沐浴齋宿傳檄親禱玄女神廟中檄曰
朕膺天命撫有大秦萬幾朝夕乾乾民瘼晨昏切切深幸民安如堵災禍不生不意

玄女覽檄



登雲看視

玄女托



國王夢

变起蕭墙患生宮掖今有牛頭妖怪潛入
深宮逞異類之雄威挾朕躬於巖穴起豺
狼之僻性囚朕后於冷宮淫縱妃媵污穢
宮闈八方懷怒七廟含羞曾勅羽林問罪
反遭屠戮之凶欲宣司馬報仇又乏制禦
之策虔心請禱祈顯神靈倘殲妖物於宮
闈願勅廟貌於不朽檄文傳至神明鑒之
國王既禱廟中符檄文燒化自回太廟與群
臣商議破妖之策去了却說玄女覽遍檄文
登雲一看乃是青牛作禍因自言曰老君何

故疎虞致令此怪作孽本待誅戮於老君面
上不便於是一面差使持簡報知老君一面
托夢國王曰可於明日點兵攻擊我自有制
妖之處大喝一聲甦醒國王驚覺乃是南柯
一夢即起呼群臣曰適來夢一女子教我點
兵攻擊彼自有制妖之處此夢果可信乎群
臣曰此必玄女指引可依其言行之必有應
驗國王次早傳旨點兵二十萬圍定后宫那
妖正在宮中淫樂聞兵四面圍繞即噴一口
法水化成火輪火鴉正待要燒秦兵忽一女

玄女使至



老君閱讀

子手持淨水從空撒下其火盡滅青牛向前一望只見玄女在上急欲變去被玄女將劍一指見出真形不能得脫且說老君在堂正查青牛之事忽報玄女使至喚入使者呈上雲箋老君閱讀書曰

道長淨居法界青牛肆毒大秦其久不之返也何故

讀罷嘆曰不意此畜擾害如此謂使者曰為我拜上玄女匆匆不及回書即遣人收拾笑使行隨即命徐甲曰可執符帶鎖往大秦收

徐甲執符



前收青牛

取此畜而回徐甲奉命遂往大秦正值青牛與玄女相戰乃向前大喝一聲投符牛背鎖縛牽出宮門投東而去宮中悉平國王回宮迎出其后整理宮掖勅封玄女大其廟貌罷其夜宴餘論不題

第十回鐵拐屢試長房

却說鐵拐因縱青牛老君斥下立功續過乃化身為一老翁隱其名姓背一葫蘆施藥於汝南市中病者飲之無不立驗因懸一壺於肆頭及罷市輒跳入壺中市人皆莫之見有

長房往



拜老翁

長房隨翁



潛入深山

費長房者魯為市掾一日於樓上獨坐忽睹
而異焉因往拜拜奉脯翁曰子明日更來長房
且日果往翁乃與俱入壺中但見玉堂殿麗
旨酒其肴盈衍其中共飲畢而出翁囑不可
與人言後乃就長房樓上曰戒仙人也以過
見責今事畢當去子寧能相隨乎樓下有少
酒與卿為別長房使人取之不能勝又令十
人扛之不能舉翁咲而下樓以一指提而止
視器如有一升許而二人飲之終日不盡長
房心欲求道乃顧家人為憂翁即知乃斷一

青竹度如長房使懸之舍後家人見之乃長
房也以為縊死大小驚號遂殯殮之長房立
其傍而眾莫之見於是遂隨翁入深山踐荆
棘於群虎之中雷使獨處長房不懼又卧長
房於空室以朽索懸萬斤之石於其上衆蛇
競來齧索欲斷長房亦不移翁還曰子可教
也復使食糞糞中有三虫臭穢特甚長房意
惡之翁曰得道恨於此不成奈何長房辭歸
翁與一竹杖曰騎此任所之頃刻至矣至當
以杖投葛陂中又為作一符曰以此主地上

長房怒責



鬼魅妖精

鬼神長房乘杖須臾來歸自謂去家兩經旬日而已十餘年即以杖投破顧視則龍也家人謂其死久驚訝不信長房曰往日所藥竹杖耳家人發塚剖棺杖猶存焉自後遂能醫療百病鞭笞百鬼驅使社公或獨坐恚怒人問其故曰吾責鬼魅之犯法者矣又嘗食客而使使至宋市鮑須臾還乃飯或二日之間人見其在千里之外者數處桓景嘗學於長房一日謂景曰九月九日汝家有大災可作絳囊盛茱萸繫臂上登高山飲菊花酒禍可

長房失符



被鬼魅欺

消景如其言舉家登山至夕方還見牛羊雞犬皆暴死焉一自長房自失其符竟為衆鬼所殺却說鐵拐自謫降立功滿足復歸老君之所謝罪自後得為上仙乃乘雲瓊島跨鶴瑤天每降凡間則托貧子隊中南中一家設大功果老仙至有樵樓執時牌二童子忽能言曰明日設功果之家那爛脚貧子乃鐵拐老仙也當往見之一童曰諾適一守更之夫聽知大異其事次日往設功果之家觀之果有爛脚貧子在灶邊向火更夫即拜之求度

更夫上樓



釘起二童

貧子曰何以知之更夫曰昨見樵樓時童能言故知大仙來此貧子曰但從我來即度你那貧子却從灶中走去更夫惧火燒身竟不敢從後歸至途中復遇貧子在前再追至求度貧子曰汝今且歸為我釘起樵樓二童明日來西橋上會我那時我自有船来接你汝可跳於船上便是度汝之處毋得恐懼為也更夫歸至樵樓果將二童釘起夜來其童哀叫痛苦萬端深怨更夫次早更夫竟往西橋伺候貧子船隻自辰至午不見貧子只有竹

鐵拐駕



雲而去

葉一舟流至更夫不敢上忽貧子亦至曰何不上船更夫曰葉舟安能重載鐵拐曰汝凡念太重不可度矣乃自跳入舟中衝風逐浪駕入雲中知鐘離來和仙姑等當入仙侶乃從周流指點援引而去
十一回鐘離將兵伐寇
鐘離名權蓋臺人後改名覺字寂道號和合子又號王陽子又號雲房先生父為列侯宦雲中誕生真人之時異光數丈狀若烈大侍衛皆驚真人頂圓額廣耳厚眉長目深鼻隆

邊報奏



聞朝廷

口方頰大唇臉如丹孔遠臂長如三歲兒晝夜不聲不哭不食第七日躍然而言曰身遊紫府名書玉京及壯仕漢為大將邊報紛紛言吐蕃率衆三十餘萬號五十萬侵犯邊疆標掠婦女搬虜民財勢如山崩潮湧守臣抵敵不住皆望風奔走乞提大兵退虜倘若遲緩邊疆皆陷實為緊急報聞朝廷京畿震動天子急召群臣議事勅命大將鐘離權統兵五十萬破敵京下鐘離謝恩領命披掛衣袍鎧甲印劍斧鉞領兵五十餘萬號八十一萬即

鐘離別友



引兵前進

日起行朝內群臣送至郊外餞別為詩以壯之云
大將出皇都 腰懸金僕姑
笑談空醜虜 聲譽勒丹書
鐘離辭別僚友重點軍仗衣糧兵甲一一整齊乃傳令三軍曰自古中華居內以制夷狄夷狄居外以奉中華未聞夷狄逞強侵侮中國者也大漢開基以來四海永清蠻夷効順忽今吐蕃小醜侵犯邊疆九廟震驚社稷搖動正臣子竭忠之日軍士用力之秋聖天子

離權下



令三軍

以大將屬我揔爾三軍爾三軍之士各當有
勇知方不負上意今與爾約遇敵則鼓勇前
進毋得退縮遂巡在路則賞格守節制毋得
侵損禾稼虜掠民財淫亂子女凡此之類有
一犯者斬首示衆直導法克敵者奏功之日
重賞重用決不虛示自約之後各宜遵守毋
取罪焉令畢三軍肅然乃遣先鋒前行兵分
三隊自將中軍督前後二隊一齊進發果是
旌旗蔽日金鼓喧天堂堂大國威風凜凜氣
象當時有詩為証

漢兵



立營

將軍西伐陣雲高 氣吐虹霓耀錦袍
風勁角弓鳴塞外 功成丹詔出雲霄
十二回鋪離不韋交兵
三軍倍道而行早到奇水之上與吐蕃之兵
相對下營以早兩軍各列成陣只見一聲响
炮金鼓齊鳴漢軍陣上門旗開處擁出一員
大將眉如雙劍面若塗朱紅袍金甲橫鎗立
馬陣前番兵陣上擁出一員大將金盔銀甲
執古定刀立馬陣前二將果寔英雄當日有
詩為証

鐘離陣前



大罵高喝

鐘離大



戰不聿

二將交兵日

英雄不可倫

氣奔天地裂

威震鬼神驚

金鼓搖山岳

旌旗亂鳥雲

安危憑一擊

千古說雄名

漢將鐘離厲聲謂番將曰中國撫惜四夷猶之赤子不廷者置之度外奉貢者厚往薄來四海傾心遐邇仰德何爾吐蕃不思傾心歸順以沾王化顧乃屢懷反測擾我邊疆豈謂大國無問罪之師乎如速歸降納貢不失封職倘其執迷不悟齏粉目前番將粘不聿答

曰天下者天下之天下高才捷足者皆可得之汝漢可得之他人我亦可得之干漢乘除有數無足怪者且天地生人猶之一體固無內外之分亦無華夷之限我肯納貢必不與師今已與師必無降理請決雌雄各成敗勝鐘離聞言大怒挺鎗直取粘不聿不聿舞刀來迎兩馬交攻約鬪八十餘合不分勝敗不聿思勝不得鐘離賣個破綻回馬便走鐘離策馬趕去心中亦自隄防不聿挽弓搭箭翻身一箭射來鐘離急躲箭從耳邊過去鐘離

鍾離點



兵埋伏

迴馬便走不韋趕來權暗取飛刀望後一擲
不韋眼快把刀急撥僅傷面上一痕如線不
韋吃了一驚回馬便走鐘離不追兩軍鼓哨
混戰一場各自鳴金收兵回寨
十三回鐘離大破番陣
却說鐘離回到寨中點校軍士多有帶傷皆
今行軍醫者醫治自思番將英勇明日決戰
力敵難以取勝必須用計勝之乃連夜調遣
輕騎二萬分作四面埋伏但聽連珠炮響四
面齊起以擒番將又令三軍四鼓造飯五鼓

不韋按排



八卦陣勢

排陣平明交鋒又令一軍但看番兵敗走只
掠其鎰重據其營寨分付已定衆軍各自去
了却說番將回營檢點軍士多有折傷不題
自思漢將武藝高強不若明日與之鬪排陣
法便就陣中擒之則漢人不敢正視郡縣可
破竹而下乃傳令軍士三鼓造飯四鼓飽食
五鼓出兵自騎駿馬橫古定刀執絳旗一面
往來指引布一陣於奇水之西以待漢兵攻
打那陣布得整整齊齊上重門疊戶按天地自
然之秘藏鬼神不測之機果是高妙及至黎

鐘離呼已



教破陣法

馮已大



破番陣

明漢將陳兵望見番將之陣布得堅如城郭
門戶周全鐘離大驚曰吾謂不韋一勇夫耳
不意深識兵机善曉陣法似此奈何乃急上
將臺觀望一遍良久曰原來乃八卦陣也彼
設此陣欲我攻擊倘不得透彼就陣中擒我
耳既如此可將計就計乃呼牙將馮已上臺
問曰汝識此陣否已言不知鐘離指點告曰
此八卦陣耳此陣內按八門八門者休生傷
杜景死驚開也惟從生開二門進者則吉其
餘皆凶汝可熟認旗號帶精騎三千從東南

青旗角上殺入遶東北黑旗而出復從東北
殺入遶過東南其陣自亂我以大兵隨後繼
之剋敵必矣汝可熟記細思勿便差違以誤
大事馮已領令細觀熟察下臺帶領精騎三
千竟從東南角上鼓哨奮勇殺入遶出東北
陣中皆莫敢當復從東北殺入衝過東南陣
中把立不住一時皆亂馮已見陣自亂大呼
士卒曰將軍計已算定丈夫立功正在於此
士卒齊喊一聲衝進陣中大亂鐘離見彼陣
中旗旛散亂麾兵大進一聲連珠炮響四面

番兵



大敗

伏兵盡起圍裏將來殺得番兵尸橫遍野流血成川不韋棄寨逃走漢兵追趕二十里而還獲其寨糧餉兵甲無數收兵奏凱回營大勞三軍不題

十四回番兵劫敗漢營

却說鍾離原是上界仙子因掌書有過責下塵凡至此復當遇道征戰之時正值鐵拐仗空而過只見殺氣騰騰停雲一望乃鍾離與番將大戰鐵拐曰鍾離已當遇道超昇何乃迷惑戰鬪在此且夷仗固不可縱收功自有

鐵拐化翁



去見不韋

其人設使鍾離收其全功必至封侯加爵彼時沉溺太深有悞大道不若使之戰敗逃亡因迷入覺以超仙界豈不美哉於是化作老翁竟投番營中去却說番將不韋大敗之後收兵約有十萬倚山屯扎正思報復無計可施憂悶上獨坐沉吟忽小軍報道營前有老翁求見不韋自思此處並無故舊老翁求見必有說也命引入老翁入帳見不韋揖而不拜不韋問曰翁來何事翁曰持來賀將軍耳不韋曰吾敗將喪兵羞慚無地何可賀

不韋點兵



夜劫漢營

之有翁曰將軍差矣勝敗兵家之常若能再戰未可量也奈何一挫而遂喪其銳乎吾以漢兵得勝其志必驕今夜劫營定獲全勝況中國將星隱隱不明難星侵之至急今夜彼營必有大失其兵必亂此時將軍四面突入彼皆以為從天而下也豈有不勝之理哉言訖即辭而去不韋聞言大喜便下令一更造飯二更劫營有牙將必勿進曰漢將多謀老翁之言恐有詐也何深信之不韋曰汝言雖是但老翁之言深合兵法且吾亦已懷此意

鐘離大



勞三軍

矣汝但鼓勇聽令再勿深疑隨即點精兵四萬飽食分為四路而進每路兵分作兩隊以防前後救援一更之後人卸枚馬摘鈴悄上望漢營四面埋伏而去但看火箭四面皆起其營中之火起與否皆不論也却說鍾離得勝面營大勞三軍論功行賞將近二更方罷牙將馮已進曰敵人雖敗士卒尚多今夜可防劫營之患鍾離曰汝言正合兵法吾自備之汝在外更宜謹慎馮已領諾而出時至三更忽後營火起乃鐵拐所為也值大風驟發

番兵劫寨



漢兵敗走

鐘離單騎



敗逃自嘆

火逞風威風加火勢連燒大營軍士急救不能得賊正在落荒番兵望見火發放起火箭四面伏兵一齊鼓哨突入漢兵馬不及鞍人不及甲望風奔走自相踐踏死者不計其數鍾離挺鎗急出正遇不韋轉十餘合見軍士亂逃又不知敵兵多少落空而走行走不數十步又被番兵攔住后面不韋又到正在危急却得馮已挺身殺入救出未及脫身坐下馬却被亂箭射死馮已奪番兵一馬典騎走上山坡回頭一望只見營寨皆焚黑夜如同白

昼全軍盡散左右止得十人大叫一聲墜於馬下馮已急忙扶起背後追兵又至已曰將軍急行吾自斷後鐘離乃放馬望山谷而去番將亦不追趕餘言不題

十五回鐘離敗逃山谷

却說鐘離單騎奔逃望見火光漸遠喊聲不起方自放心自思為國大將統領三軍方欲掃蕩醜虜澄清海宇功業著於當時聲名垂於後世以為一代偉人不意軍前拔陣正張逐北之威營內火尖竟啓賊兵之憂全軍皆

鐵拐化身



引離前行

胡僧告



離宿處

沒單騎無衣上辱朝廷下悞大事不惟君上
 見罪然亦有何面目以見父老乎果是天亡
 我也語云謀事在人成事在天不其然乎在
 路自嗟自嘆行至平明不知去路又無人家
 可問只得縱馬前行看日中中人飢馬乏細
 覘前路盡是山蹊小徑並無大道通衢勉强
 又行數十餘里不覺紅日西沉水輪東上走
 入深林之中隱上幽上草木叢雜寂寞無邊
 憂愁愈甚仰天嘆曰此絕地也正勒馬躊躇
 進退不定忽山阿中轉出一種胡僧其人碧

眼豐頤蓬頭拂額體掛草結之衣手執龍
 之杖大步前來有忻忻自得之襟懷落与不
 羈之氣象鐘離見其不凡下馬拱手問曰鄙
 人大漢將軍因征吐蕃失利迷道至此伏望
 禪師指引宿處俾尋歸路却結非淺胡僧點
 頭不言但為之前行引至數里外見一村莊
 曰此東華先生成道處將軍可以歇息矣言
 訖揖別而去鐘離見其處清幽寂靜迥別塵
 凡異卉奇葩香侵蘭麝妖黃嫩綠色奪綺羅
 一派流泉泣玉兩行細柳搖金恍惚三島蓬

鐘離獨立



乘未審人間天上乃從容擊馬庄前未敢高
聲驚動

十六回東華傳鐘離道

却說鐘離獨立良久忽聞庄內有人吟詩一
首詩云

自樂平生道

煙蘿石洞間

野情多放曠

長伴白雲閒

有路不通世

無心孰可攀

石床孤夜坐

圓月上前山

聽畢曰此碧眼胡僧鏡舌也忽一老人披白

庄外聽吟

老翁進



鐘入庄

鹿裘扶青藜杖啓門抗聲前曰來者非漢天
將軍鐘離權耶鐘離聞言大驚知其人為異
人向前揖而荅曰是也老人曰何不寄宿山
僧之所鐘離曰不才受命征番因兵失利單
騎奔逃遍尋客舍僧房踏盡荊棘投宿
無門飢餒特甚幸遇一僧引至庄所得觀仙
顏伏望容留自當報荅老翁遂入庄中飲以
麻姑之酒食以胡麻之飯因謂之曰功名富
貴總是浮雲戰鬪攻圍皆為閑氣君曾見自
古以來江山有何常主富貴有何定規轉盼

鐘離再



拜求道

鐘離薛



別老翁

山公對專

異形猶之黃梁一夢耳若貧老歷年差長勤
 破世情閒居自適遠脫樊籠雖不能入道超
 凡庶哉不為塵世所羈矣將軍何必苦戀功
 名勞神焦慮鐘離想其言談憤啓意味深長
 頓釋虎豹之韜轉為鴛鶴之念再拜問其養
 生之訣翁曰養生無他但虛其心實其腹足
 矣鍾離曰何謂虛其心實其腹翁曰心者吾
 身之主念其本來洞七空与原無一物自人
 累於物欲而虛者始實必却其欲反其原則
 虛者虛而神在萬物之表腹者精之閔究其

始生保合完固毫無滲漏自人嗜於美色而
 實者始虛必固其精室其慾則實者常實而
 精在不搖之天二者完全則老者可童夫者
 可壽可以身游紫府可以名書玉京寧曰僅
 僅養生已哉鐘離聞其言頓大悟曰若非仙
 翁提醒迷途幾乎一生終陷塵網因以師事
 老人老人以長生秘訣金丹火侯青龍劍法
 悉授鐘離次日辭歸老人指以路途回顧庄
 房不見其處鐘離嘆異久之乃尋歸踏望家
 而去

鍾離回家



十七回飛劍山嶠斬虎

却說鍾離得老人指引回至家中先是其家
聞報典吐蕃戰敗踪跡杳然皆以其沒於軍
中舉家號哭掛孝至此矣歸大小忻喜無限
問其敗陣根由鍾離備言其故及至單騎自
逃迷失山谷胡僧引路仙翁傳道數端其家
人曰當日誕生自有異光數丈之瑞能言又
有身遊紫府名書玉京之句固知當有異常
之事不應死於劍戟之中也乃設大筵慶賀
盡歡而罷居數日鍾離自思敗陣私歸朝廷

大小喜問

權簡辭家



同往華山

若聞必深加罪又得仙翁之道時刻不忘乃
欲隱迹脩真適其兄鍾離簡者亦仕漢為郎
素性慕道棄職在家聞權之言喜而不寐即
欲典之同行權乃辭別家眷披道服執如意
兩角其髻二人飄飄竟投華山三峰而去道
經小溪見白鷺立灘閒鳧浴水權謂簡曰鳧
之頭何短鷺之頭何長欲斷鷺而續鳧其可
能乎吾以天下之事其不可短長者固多也
吾人誠能識破機關至道即在眼前天地皆
吾掌握但世人情欲難割所以大丹不遇矣

鐘離偶遇



鐘離追虎



劍斬虎

論未終忽喊聲大震視之乃眾人逐虎也

那虎生得白額金睛威猛無比屢出山傷

人有一寡婦之子年十餘歲一日同僕入園

取果為虎啣之其母痛恨至極竟訟於縣

令哀其情切命獵戶率居民捕之眾人長鎗

短械鳴鑼圍至山下其虎在山大吼一聲奔

騰下嶺連傷數人咬牙咆哮屏負南山之嶠

而立但見逐虎之人大半鎊倒在地其中有

敢數輩亦徒攘臂觀望不敢向前適二人行

到其處眾人觀見鍾離身體魁梧狀貌精勇

乃相謂曰若得此人共搏此虎不難得也中

一人曰彼道者以救人為本何不迎之眾人

皆至權前求助曰此虎傷害多人本縣出令

勦捕其勢勇猛難當見今又害數人負嶠而

立伏望道長仁慈助力與民除害權默然未

若兄簡謂之曰孽畜如此作孽汝云已得青

龍劍法何不試之權曰諾即取劍在手大喝

一聲望嶠擲去那虎大叫一聲鮮血淋漓墜

於山下眾人稱異齊至拜謝請問其名鍾離

笑而不答但收劍歸鞘兄弟自相談論而去

權簡竟



步華山

鍾離點



金濟民

十八圍點金濟衆成仙

二人行了數日不覺來到華山見其山接連天日吞吐雲霞果是名賢隱迹之鄉仙子傳真之處有詩為証詩云

迥聳霄漢外

雲裡路名堯

瀑布千丈流

如鋪練一條

下有棲心窟

橫安定命橋

椎椎鎮世界

華山名獨超

又詩云

兀峙三峯接九天 雲霞深處即神仙

分明指汝超凡路

何事男兒到此維

兄弟尋至三峯結草為庐日夕脩煉期年之內儘見成功一日出遊見貧人填道問其故乃年歲不登老弱轉平溝壑壯者散之四方權嘆惜久之回至山中言於簡曰飢饉荐至民不堪生殊為可憫簡曰濟人利物仁人之心汝識金丹之道不度斯世之民藏之何用權曰吾亦將欲試之乃聚銅錫之類於前少數靈藥以火燮之皆成至寶廣施貧民因之而得舍者千百萬家一日有上仙王玄甫

華陽真人



降訪鍾離

上帝遣使



迎接鍾離

者知鍾離道將有得降於仙齋訪之鍾離見其丰神特異言論玄妙拜求長生之訣王曰心湛而無動氣綿而徘徊精消而運轉神混而往來開崑崙於七竅散元氣於九垓鑿破玉關神光方顯寂然圓躬一任往來言畢而去一日又遇華陽真人傳以太乙刀圭火符內丹於是洞曉玄之道深明往來之机一日別其兄獨遊雲水至魯居鄒城入崆峒於紫金四皓峰居之忽石壁猛響一聲開若門戶鍾離直入其中見一玉匣啓而

視之乃柙仙秘訣也鍾離懷之而出未幾其石復合居數日乃復歸三峯玩其秘訣導而行之忽五色祥雲滿戶仙樂頻奏漸及齋中有仙童呼權曰上帝有命迎君回天且轉陞舊職矣權別簡曰兄少留此不日復即會也乃授簡秘訣乘雲仙去簡自此權別深求秘訣之理益加脩煉之功臻清淨無為之宇金液還丹之要遂能藏往知來通玄入妙一日雲房跨鶴至曰兄今至道已闡塵緣已滿不可復留此山矣乃與之曰日昇天度純陽而

采和唱歌



去

十九回采和持拍踏歌

藍采和者云赤脚大仙之降生也身雖為人
不寐本體放蕩不羈玩弄一世常衣破藍衫
六銙黑木腰帶闊三寸餘一脚着靴一脚跣
足夏則加絮衫內暴六日中而不汗冬則單
衣而臥雪上一口鼻氣出如蒸每於城市乞索
手持大拍板長三尺餘醉而踏歌老幼皆隨
觀之似狂非狂歌詞詠于爾而作皆有神仙意
人莫之測得錢則用繩拖之而行或散失亦

似狂而行

采和白



日昇天

不之顧且其錢或贈貧者或與酒家周遊天
下人有自兒童時見之者及白髮之時復見
之其顏貌如故衣裝如故後遇鐵拐相與論
道一日於濠梁酒樓上飲酒聞空中有笙簫
之聲忽然乘雲鶴而上擲下衣衫靴帶拍板
冉冉而去人視其拍乃玉也旋亦皆失去后
復燒海見之

采和歌詞十二首歌云

時人尋雲跡

雲路香無踪

山高多峻峻

澗澗少珍籠

采和復



陞仙職

碧嶂前兼後

欲知雲露在

采和二歌云

我見世間人

昨朝猶二八

如今七十過

恰似春日花

采和三歌云

白鶴啣苦花

欲往蓬萊山

白雲西復東

雲露在虛空

生而還復死

壯氣胸襟士


力困形顛顛

朝開夜落爾

千里作一息

將此充糧食

采和閒



樂仙宮

未遑毛摧落

却歸舊來巢

采和四歌云

垂柳暗如煙

夫居離婦州

各在天一涯

寄語明月樓

采和五歌云

驕馬珊瑚鞭

自憐美少年

離群心慘惻

妻子不相識

飛花飄似霰

婦在思夫縣

何時復相見

莫貯雙飛燕

驅馳洛陽道

不信有衰老

蓬萊



白髮會應生

紅顏豈長保

但看北邙山

箇是蓬萊島

采和六歌云

本志暮道倫

道倫常獲親

時逢社源客

每接話裨賓

談玄明月夜

探理日臨晨

萬機俱泯迹

方識本來人

采和七歌云

手筆太縱橫

身材極魁梧

生為有限身

死作無名鬼

三島

黃河



自古如此多

君今單奈何

可來白雲裏

教你紫芝歌

采和八歌云

浩浩黃河水

東流長不息

悠悠不見清

人人壽有極

苟欲乘白雲

曷由生羽翼

唯當髮鬢時

行住須努力

采和九歌云

我今有一襦

非羅復非綺

借問作何色

不紅亦不紫

浩浩

高山



夏天將作衫

冬天將作被

冬夏通互用

長年只如是

采歌十歌云

世事何悠悠

貪心未肯休

斫盡大地名

何時得歇頭

四時凋變易

八節急如流

為報火宅主

露地騎白牛

采和十一歌云

高高山頂上

四顧極無邊

獨坐無人知

孤月照寒泉

獨坐

蝙蝠受精



泉中且無月

月自在青天

吟此一曲歌

歌中不是禪

采和十二歌云

東家一老婆

富來三五年

昔日貧于我

今笑我無錢

渠笑我在後

我笑渠在前

相笑倘不止

東邊復西邊

二十回張果騎驢應召

張果者混沌以來白蝙蝠也其籍天地之氣
得日月之精歷歲久遠化而為人後隱於恒

氣而化生

武后詔果



佯死於廟

帝賜酒



果辭飲

州中條山得遇宛丘鐵拐諸仙論道說法往來汾晉間長生不老者老云自為兒童時見之已言數百餘歲常乘一白驢每到騎之日行數萬里休息之時則折疊之其厚如紙藏如巾箱中欲騎則以水噴之復成驢到騎其上奔躍而去唐太宗高宗徵之皆不起武后召之乃出山佯死於妬女廟前時方炎熱須臾臭爛生虫於是則天始信其死後有人於山中復見之開元二十三年明皇詔通事舍人裴晤馳詔於恒州迎之果對晤氣絕而死晤乃焚香宣天子求迎之意俄而漸蘇晤不敢逼馳還京中奏其事明皇復命中書舍人徐嶠通事舍人盧重玄齋爾書迎果果享其誠竟到東京命於集賢院安置備加禮敬公卿皆往拜謁帝問神仙之事果不答但息氣至累日不食一日見帝帝賜之酒果辭曰小臣飲不過二升有一弟子可飲一斗明皇聞之喜令召之俄傾一小道士自殿簷飛下年可十五六歲美姿容步趨閒雅謁見上言辭清爽禮數中度明皇愛之命坐果曰弟子

辭清爽禮數中度明皇愛之命坐果曰弟子

果在殿上



屢顯仙術

當侍立明皇愈喜賜酒飲及一小斗果辭曰不可再賜過度必有所失此特致龍顏一笑耳明皇因逼賜之醉酒後頂上湧出冠衝落地忽化為金盃上及嬪妃皆譎咲視之失道士矣但金盃在地驗之乃集賢院中盃也其盃僅貯一斗矣又能指鳥鳥落指花花枯指鎖門開復指之如故又能徙宮殿於他處復能徙還能入水不沉入火有蓮花托之而出累試仙術不可窮紀果嘗言我生堯丙子歲其貌顏若六七十許時有邢和璞善知人壽

果老飲



董落齒

天帝令推果壽則懵然莫知有師夜光善視鬼明皇密使夜光視果竟不見果所在焉
二十一回果老飲董辨鹿
一日明皇謂力士曰吾聞飲董而無苦者奇士也時天寒因取以飲果三進頽然曰非佳酒也乃寢頃視齒皆焦縮顧左右取如意擊落因出藥溲之良久其齒復出粲然如玉明皇狩於咸陽獲一大鹿將令大官烹之果曰此仙鹿也已滿千歲昔漢武帝元符五年臣曾侍從畋於上林獲此鹿乃放之明皇曰山

朝堂果



老辨鹿

中之鹿多矣况時代变迁豈能常存乎果曰當武帝放時以銅牌誌於左角上上命驗之果有銅牌長二寸許但文字凋落耳上曰元狩是何甲子至此年數凡幾果曰是歲癸亥始開昆明池今甲戌八百五十二年矣上命太史校其曆畧無差焉時有葉法善者括蒼人世為道士嘗遊白馬山石室遇二仙人授以正一二三之法能厭劾怪鬼唐高宗召詣京師欲罷以官不拜是時在朝上問之曰張果何如人也善答曰臣知之然臣言之即死

善泄仙機



果責流血

故不敢言若陛下能免冠跣足救臣臣方言其實上許之法善曰混沌初分白蟪蛄精言未絕忽七竅流血僵仆於地上急詣果所免冠跣足自稱其罪果徐曰此兒多口過不罰之恐泄天地之機耳上復哀懇久之果以水噴其面法善即時復生帝益重之詔圖形集賢院號通玄先生果屢陳老病乞歸恒州上賜緡三百疋隨從弟子二人給繹肩昇到恒州弟子一人發回一人相隨入山天宝初明皇遣使徵果果聞輒卒屍解而入仙班弟子

仙姑夜



夢成仙

塋之發棺視之乃空棺而已帝立棲霞觀以祀之有人題其圖一絕詩云

舉世多少人

無如這老漢

不是倒騎驢

萬事回頭看

二十二回仙姑得夢成仙

何仙姑者廣州增城縣何泰女也生而頂有六毫唐武后時住雲母溪年十四五歲時夢神人食雲母粉當輕身不死夢明甚覺而自思曰神人之言豈欺我也於是取而食之數月內果覺身輕其母因其時當有家欲為之

何仙姑遇



鐵拐引昇

擇婿姑堅執立誓不嫁母竟不能強一日於溪上遇鐵拐采和授以仙訣常往來山谷其行如飛每日朝去暮則持山菓歸遺其母母問其故但云去名山仙境與女仙論道耳後漸辟交言論異常武后聞其特異非常遣使召之赴闕至于中路忽然失去使臣四下追尋竟不能得景龍中鐵拐引之白日昇仙而去天寶九年見於麻姑壇立五色雲中大曆中又見身於廣州小石樓刺史高暉目擊之乃上其事於朝

真人降生



異香滿室

二十三回洞賓店遇雲房

洞賓姓呂名巖字洞賓號純陽子蓋東華真人之後身也原因東華度化鍾離之時誤有度爾作師之語故其後降凡鍾離果為其師而度之一云其為華陽真人後身以其喜頂華陽巾也洞賓唐蒲州永樂縣人祖渭禮部侍郎父讓海州刺史貞元十四年四月十四日巳時生初母就蓐時異香滿室天樂浮空一白鶴自天而下飛入帳中不見真人生而金形木質道骨仙丰鶴頂龜背虎體龍腮鳳

洞賓偶遇



真人傳道

眼朝天雙眉入髮頰脩額闊身圓鼻梁聳直面色白黃左眉角一黑于足下紋起如龜少聰明日記萬言矢口成文身長八尺二寸頂華陽巾衣黃欄衫繫大皂絛狀類張子房二十不娶始在襁褓異人馬祖相之曰此兒骨相不凡自是風塵外物他時遇廬則居見鍾則扣雷心記取後遊廬山遇火龍真人傳天遁劍法唐會昌中兩舉進士不第時年六十四歲遊長安酒肆見一羽士青巾白袍偶書三絕於壁

洞賓拜問



真人姓氏

其一曰

坐臥常携酒一壺 不教雙眼識皇都
乾坤許大無名姓 踈散人間一丈夫

其二曰

傳道真仙不易逢 幾時歸去願相從
自言住處連滄海 別是蓬萊第一峰

其三曰

莫厭追歡笑語頻 尋思離亂可傷神
閒來屈指扣從頭數 得到清平有幾人

洞賓訝其狀拍竒古詩意飄逸因揖問姓氏

雲房作炊



洞賓昏睡

且延羽士坐羽士曰可吟一絕予欲觀子之志洞賓援筆書之曰

生在儒家遇太平 懸纓重帶布衣輕
誰能世上爭名利 欲事天皇上玉清

羽士見詩曰吾雲房先生也居在終南鶴嶺子能從遊乎洞賓未應雲房知其意因與同憇肆中雲房自為執炊洞賓忽就店昏睡夢以舉子赴京狀元及第始自即著擢臺諫翰苑秘閣及諸清要無不備歷兩娶富貴家女生子婚嫁蚤畢孫甥振、簪笏滿門如此哉

洞賓夢榮



雲房點破

四十年又獨相十年權勢薰多偶被重罪籍
沒家資分散妻壑流於嶺表一身孑然窮苦
憔悴立馬風雪中方興浩嘆恍然夢覺炊尚
未熟雲房笑吟曰

黃梁猶未熟

一夢到華胥

洞賓驀曰先生知我夢耶雲房曰子適來之
夢升沉萬態榮悴千萬五十年間一瞬耳得
不足喜喪何足悲世有大覺而後知人世一
大夢也洞賓感悟遂拜雲房求度世之術雲
房試之曰子骨節尚未完須更數世可也翻

洞賓外歸



家人盡死

然別去洞賓深想雲房之言棄儒歸隱雲房
自是設十難以試之

二十四回雲房十試洞賓

第一試

洞賓一日自外歸忽見家人皆病死洞賓談
之大數心無悔恨但厚備葬具而已須臾死
者皆起無恙洞賓亦不之怪

第二試

洞賓一日賣貨於市議定其值市者翻悔止
酬其值之半洞賓無所爭委貨而去

餓虎逐羊



洞賓身當

第三試

洞賓元日出門遇丐者倚門求施洞賓與錢物而丐者索取不厭且加詈罵洞賓惟再三笑謝

第四試

洞賓牧羊山中遇一餓虎奔逐群羊洞賓蔽羊下坡獨以身當之虎迺釋去

第五試

洞賓居山中草全讀書忽一女子年可十七八容華絕世光艷照人自言歸寧母家迷路

美女調戲



日暮足弱借此少息既而調弄百端夜過同寢洞賓竟不為動如是者三日始去

第六試

洞賓一日出郊及歸則家資為盜劫盡殆無以供朝夕洞賓累無愠色乃躬耕自給忽鋤下見金數十錠洞賓以土掩之一無所取

第七試

一日洞賓遇賣銅器者買之而歸見其器皆金也即尋訪賣主而還之

第八試

洞賓不動

洞賓獨坐



鬼魅欲侵

有風狂道士陌上市藥自言服者立死再世
可以得道旬日無人敢買惟洞賓買之道世
曰子速備後事也洞賓服之全然無恙
第九試
春水泛溢洞賓與衆共涉至中風濤掀勇衆
皆危懼洞賓端坐不動

第十試

洞賓獨坐一室忽見奇形怪狀鬼魅無數有
欲擊洞賓者有欲殺洞賓者洞賓但危坐畧
無所懼復有夜叉數十解一死囚血肉淋漓

雲房授洞



賓濟世術

號泣言汝宿世殺我今當償我命洞賓曰殺
命償命理也遂起索刀欲自刎償之忽聞空
中大叱一聲鬼神皆不復見一人撫掌大笑
而下視之乃雲房也曰吾十試子子皆心無
所動得道必矣但功行尚未完吾今授子黃
白之術濟世利物使三千功滿八百行圓方
來度子洞賓曰所作庶幸有變異乎曰三千
年後始還本質耳洞賓愀然曰悞三年後人
不願為也雲房笑曰子推心如此三千八百
悉在是矣乃携洞賓至鶴嶺論道而去

鍾呂鶴



二十五回鍾呂鶴嶺傳道

嶺傳道

却說洞賓在嶺問曰仙可為乎離曰脩之則為仙不脩則為鬼顧仙有五等法有三成在人脩持何如耳呂曰何謂三成五等鍾曰法有三成者小成中成大成之不同也仙有五等者鬼仙人仙地仙神仙天仙也呂曰何謂鬼仙鍾曰鬼仙者五仙之下陰中超脫神像不明鬼關無姓三山無名雖不入輪迴亦難返蓬島終無所歸止於投胎就舍而已呂曰鬼仙用何術何功而至鍾曰脩持之人始也

鍾呂談論



天地之道

不悟大道而欲於速成形如稿木心若死死神識內守一志不散定中以出陰神乃清靈之鬼非純陽之仙以其一志陰靈不散故曰鬼仙呂曰何謂人仙鍾曰脩真之士不悟大道道中得一法法中得一術信心苦志終世不移五行之氣悟交悟合形質且固八邪之疫不能為害乃曰人仙呂曰何謂地仙鍾曰始也法天地升降之理取日月生成之數身中用年月日中用時刻先識龍虎次配坎離辨水源清濁分氣候早晚察二儀列三才分

洞賓拜問



五仙出處

四象別五行定六氣聚七宝序八卦行九州
煉形住世而得長生故曰地仙呂曰何謂神
仙鍾曰神仙者以地仙厭居塵世用功不已
而金精煉頂玉液還丹煉形成氣而五氣朝
元三陽聚頂功滿忘形胎仙自化陰盡陽純
身外有身脫質升仙超凡入聖滅絕塵俗以
返三山乃曰神仙呂曰何謂天仙鍾曰神仙
厭居三島而傳道人間道上有功而人道有
行功行滿足受天書以任三十六洞天而返
八十一陽天任八十一陽天而返三清虛無

思遠持虎



子歸家飼

自然之界呂曰鬼仙不求天仙亦不敢望地
仙人仙神仙之法可得聞乎鍾曰凡人仙不
出小成法凡地仙不出中成法凡神仙不出
大成法此是三成之數其實一也用汝求道
道固不難以道求仙亦甚異二人相語累
日不倦鍾於是悉傳以上真秘訣有鄭思遠
者少善律曆晚師葛孝危受諸經并丹法居
廬江馬跡山中山有虎生二子虎母為人殺
虎父驚逸虎子飢思遠持歸飼之後虎父尋
至思遠家跪謝之即依思遠不去後思遠每

雲房帶呂



拜見二仙

出行騎虎父二虎子負其經書有友人許隱患齒痛因從思遠求虎鬚以虎鬚極熱插牙間則愈思遠為拔之虎伏不動後仙去為丹陽真人是時同大華施真人由東南凌虛而至相揖共坐施真人曰侍者何人雲房曰海州呂諫之子因命洞賓拜二仙思遠曰形清神在目秀精藏可與學道者去後雲房謂曰吾朝元有期當奏汝功行於仙籍汝亦不久居此後十年洞庭湖相見又以靈寶畢法及靈丹數粒示洞賓授受間有二仙奉金簡

上帝詔鐘



為九天仙

寶符語雲房曰上帝詔汝為九天金闕送仙當即行雲房謂洞賓曰吾赴帝召汝好在人間脩功立德他時亦當如我洞賓再拜曰巖之志異於先生必須度盡天下衆生方願上界也於是云房乘云冉冉而去
二十六回洞賓斬龍畫鶴
洞賓既得云房之道火炁真人天遁劍法始遊江淮時有蛟精出没淮水或乘雷雨衝去州縣民房或乘風濤蕩覆往來客舟或化為人淫亂良家女子过者即病多死人甚苦之

洞賓飛劍



江淮蛟精

官府百計驅逐並不能遠是時府縣正設醮
出榜求異人鎮伏蛟精適洞賓至自言於府
縣曰我能除此汝等勿憂府縣喜甚即請行
法洞賓拔劍揮舞大喝一聲望水中一擲頂
更淮水皆紅一大蛟死於水而其劍復躍入
鞘中衆皆驚異求其姓名曰吾回道人也府
縣酬以金帛皆不受而去自是江淮悉平洞
賓自斬蛟之後遊至岳陽或施藥於街市或
云遊於鄉村欲得立心好善者而度之遍觀
无有其人適有辛氏素業酒肆洞賓入其肆

洞賓畫鶴



以酬肆主

大飲而出竟不以錢償之辛氏亦不問索明
日又至飲之而去如此者飲之而半年辛氏
終不與索錢一日復云其肆飲畢呼主人為
之曰多有酒債又未能償命取楮皮畫一鶴
於壁上曰但有客至此飲者呼而歌之彼自
能舞以此報汝數年之內可以富汝矣主人
復番之飲乃竟別而去後人至飲者但歌之
其鶴果從壁上飛下跳舞方狀止則復居壁
上人皆奇之自是遠近來觀飲者填肆不數
年果大富一日洞賓復至主人見其人延歸

辛氏前迎



洞賓至肆

拜謝大飲洞賓問之曰家資可充否主人曰
富足有餘矣洞賓乃三弄其笛其鶴自壁上
飛至膝前跨之乘空而去主人神異其事於
跨鶴之處築一樓名黃鶴樓以誌其事後人
有詩題其上云

昔人已乘黃鶴去 此地空遺黃鶴樓

黃鶴一去不復返 白云千載空悠悠

晴川歷歷漢陽樹 芳草萋萋鸚鵡洲

日暮鄉關何處是 煙波江上使人愁

二十七回洞賓採戲白牡丹

洞賓暗



想牡丹

洞賓既醉辛氏之酒又貪洛陽之花一日復
至洛陽見一女遊玩而過年方二八輕盈
俊雅窈窕妖嬌照湛秋波眉宇新月過處人
留意行來步上可人李白有詩似之云

雲想衣裳花想容 春風拂檻露華濃

若非群玉山頭見 會向瑤臺月下逢

洞賓思曰廣寒仙子水月觀音吾曾見之未
有如此嬌態動人者傾國傾城沉魚落雁信
然矣不覺心動近前問之乃歌舞名妓白牡
丹也呂曰良家女子則不可妄認彼煙花婦

洞賓竟往



廿之家

人吾亦可得而試之况此婦飄飄出塵已有三分仙氣其顏色艷異独鍾天地精華採而取之大有裨益於是自化為絕美少年以劍化作隨行童子丹點二錠白金竟往牡丹之家納其物而拜之那女子啓朱唇以答禮露皓齒以陳詞更兼洞賓少年美貌大稱其心注意頗現嬌態畢露含情凝笑百媚俱生比乍遇之時又增十倍矣請問洞賓姓名洞賓以回道入答之洞賓更通殷勤牡丹深加眷戀我而酒至對飲劇歡酒至半酣牡丹持觴

洞賓壯



丹交歡

酬勸逞婉轉之喉歌新麗之曲效霓裳之裝為掌上之舞般般出眾種種動人洞賓心却仙凡不覺大醉已而就寢牡丹体惜百端洞賓温存万狀魚水相投不是过也云雨之際各逞风流女欲罷而男不休男欲休而女不罷且洞賓本是純陽豈肯為之漏泄牡丹正當陰盛終不與之求和自夜達明兩相揅較皆无倦怠自此洞賓連宿數晚云雨多端並不走泄牡丹深怪以為有此異人吾今盡其技之所長以迫之不怕彼不歸降也是夜振

洞賓別



約牡丹

飛鸞之勢效舜鳳之形盡春意之作為竟不能得其一泄牡丹自覺困倦乃謂之曰君異人也吾今骨醉神疲矣次早洞賓以久戀塵凡恐道友知覺乃托言辭歸牡丹極晉之至涕泣不忍舍洞賓乃為之約而去

二十八回仙侶戲美洞賓

且說鐵拐老仙一日下遊凡界正至江淮汴浙等處途中偶遇何仙姑飄然而來鐵拐招之同行因問曰汝從何來仙姑曰有唐廣貞因血疾別夫脩道吾從度之鐵拐戲之曰惟

鐵拐仙姑



偶遇采和

汝无夫亦欲他人无夫耶仙姑答曰人皆有妻汝何独无妻乎鐵拐笑曰特留與卿作配耳二人正戲間忽藍采和騎張果之驢驟至喝曰好好做甚事來道友之中一人宿娼汝二人又私相調戲大壞仙教清規吾將汝等奏帝去也鐵拐曰汝從何來采和曰適見蝙蝠老兒息氣吾盜其驢周遊八極耳鐵拐曰好七我等並無直贓汝盜張果之驢贓跡見在乃欲強口奏人耶我等當先奏汝矣仙姑向前故奪其驢二人相與大笑鐵拐徐問曰

二仙竟往



指點牡丹

何人宿唱采和曰汝果不知耶呂洞賓嫖白牡丹綢繆特甚今暫相別約日復至矣鐵拐曰鍾離素誇其徒資質高迈今却用如此功夫不如同往戲之何如仙姑曰可采和曰汝二人先往吾當送驢不果老去也於是鐵拐作丐夫仙姑作丐婦商議如此如此竟往白牡丹家去却說白牡丹自別回道人日夜想其舉動作為必非凡品正在独坐沉吟忽二貧子突至牡丹曰何處至此貧子曰醫汝心病牡丹極有眼力見其人言語古怪神氣非常便教典以酒食二人求益又益之二人索錢又典之仙姑乃謂牡丹曰汝意中思回道人乎牡丹曰然又曰汝知其不泄精之故乎荅曰正不知其故耳姑曰彼仙人也吾今教汝俟其再至交感只濃之時汝以手忽指其兩脅一時驚覺必泄其精此謂迅雷不及掩耳乃奪丹之奇方也汝得之可不死矣切勿露其机牡丹欲再問忽不見二人牡丹曰彼皆仙侶也其言不可不信次日洞窟裏踐約至其家牡丹喜甚置酒盡歡夜與雲雨大展

洞賓踐約



至牡丹家

至其家牡丹喜甚置酒盡歡夜與雲雨大展

洞賓雲雨



偶世真丹

佳吳至洞賓恣意之處以手指其兩脅洞賓
 忽然驚覺不及隄防竟泄其丹洞賓起曰誰
 教汝如此牡丹曰昨有貧子教我洞賓曰老
 仙何饒舌至此牡丹細問其故洞賓曰吾呂
 純陽也彼二貧子鐵拐何仙姑耳牡丹拜
 求度洞賓曰汝塵緣未滿後當重會因與靈
 丹一粒曰服此可以脫凡乃呼童子至前喝
 声復成劍佩腰間騰空而起後來牡丹亦仙
 去

二十九回三至岳陽飛渡


老嫗將如



市油不饒

洞賓自牡丹測破其机雖自隱遁然思當日
 曾有度盡世人之語今尚未能乃復遊淮岳
 之間以賣油為名暗期有買不求添者度之
 賣幾一年所遇皆過求利已者惟一老嫗以
 一卵市油洞賓與之即持去洞賓呼之問曰
 凡買賣者皆求益汝独不求何也嫗曰所買
 僅一卵已悞君之功多矣何敢求益復以茶
 待洞賓洞賓欲度之見其門後有井乃以米
 數粒投井中謂嫗曰賣此可以致富老嫗問
 故不答而去嫗回視井中水皆酒也賣之數

老嫗急追



不見洞賓

年果大富一日洞賓又至其家老嫗不在家見其子問曰數年賣酒何如其子曰好則好矣但苦於猪无糟耳洞賓嘆曰人心貪得无厭一至于此乃取其米而行老嫗歸視之井皆水矣嫗急追之洞賓從岳陽渡洞庭同鍾離摩湘子而去留詩其上云

朝遊蓬島暮蒼梧 袖裡青蛇膽氣粗
三至岳陽人不識 朗吟飛過洞庭湖
後至宋政和中宮中有崇白昼見形盜金寶
妃嬪林靈素王文卿諸人治之息而復作上

上帝遣使



來除此祟

齋戒虔禱凡六十日晝寢夢見東華門外有一道士碧蓮冠紫鶴髦手持水晶如意揖上曰臣奉上帝命來治此祟即召一金甲天夫捉崇劈而啗之且盡上問丈夫何人道士曰此乃陛下所封崇寧真君關羽也上勉勞再四因問張飛何在羽曰張飛為臣累劫世世作男子身今已為陛下生於相州岳家美上問道士姓名道士曰臣姓陽四月十四日生夢醒知其為洞賓也自是宮禁帖然遂詔天下有洞賓香火處皆加妙通真人之号其神

八世出集
朝廷加封

通妙用不能盡述仍有詩詞歌訣碑文存行
於世後岳武穆父果齋張飛托世故以飛命
名云

